

Intro

Flip Kowlier

We zin ier tuope gekom vandaege
voe de toekomste van de cirque,
wan we moeten durven toegeven
dat nimmer is lik in den tid. Den directeur sprikt wel ludde genoeg
mo de woorden drieng nie echt deure,
ik ben ol lang an't druom vaneigens,
we zitten ier ton wok ol mjir dan n eure. Je was ant slapen in zin cabinne
en dat doet ie tuope met de floske,
won em al lange moeten wakker moaken
vaneigens, moa twa niemand die echt doste. Wat tis een feit, en't mag gezeid zin,
't goe nie echt goed met em.
Zin Twjilingsbroere zei overlats nog
dattie em nimme zoed erken.
Zinne kop is dubbeldikte upgezwollen,
ruod lik een tomatte.
En qua hygiene is 't wok hinne vetten,
jeet ut zelde bord lik zin katte. De directeur dat is ne goeie mins, een beetje vis,
mor een godden erte,
ie zoe zin bjisten nuois sloan, echt niet,
niet in de verste verte. Nu de cirque dat is hin tente,
da zin hin bjisten, mo feitlik tvlok dat drin zit,
zowel ndien die der geld voe kriegt
als den dien die der vuorn betaeld it. Lat dat nu juste zin wo dat skoentje vring,
woa dat et misluopt,
wan wie hot er nu nog voe de cirque betaeln, ot de wireld vul met freaks rondluopt.
Zin der nog hin zotten genoeg?
Zin der nog hin zotten genoeg? Wan wie hot er nu nog voe de cirque betaeln, ot de wireld vul met freaks
rondluopt. Zin der nog hin zotten genoeg?
Song Discussions is protected by U.S. Patent 9401941. Other patents pending.

Lyrics provided by

<https://damnllyrics.com/>